

Gustave Nouel cu presentacion: 'Homenahe na rembrandt 400'



ORANJESTAD (AAN): Diarazon 12 di juli e pintor Arubano Gustave Nouel lo bay duna un 'live performance' di pintura di 3pm pa 6 pm. na Antraco.

Un di e miho zelfportretnan di Rembrandt a inspira e pintor Arubano Nouel pa duna un performance cu un palet basico y den su mes estilio, como homenaje na e pintor intemporal y genial aki di nos Reino Hulandes.

Rembrandt internacionalmente ta ser considera den historia di arte, como un di e miho pintornan y retratista di mundo. Tambe ta ser considera cu Rem-

brandt ta un di e pintornan cu a pinta mas zelfportret na mundo (te ainda). Rembrandt ta un gran orgullo cu ta duna nos Reino un bon number artistico mundialmente.

Relaciona cu aniversario 400 di Rembrandt, despues di e performance, Nouel tambe lo dedica un workshop e simannan cu ta bini, especial na pintamento di zelfportret di Rembrandt (step by step) cu unicamente coloman basico.

Danki na un contract cu ANTRACO y apoyo di Multi Media International y Yrausquin & Sons, e pintor Arubano Nouel a scoje pa bin Aruba pa e ocasion special aki.

Nouel a cancela un invitacion pa bay duna workshops na Hungria, manera Nouel a haci na 2004 y 2005, pa academia di arte Artpartout den luna di juli 2006.